

MATERIEL PER SCOLARAS E SCOLARS

Infurmaziuns

- I'l plan da lectüra vezzast che chapitels cha tü stust ler minch'eivna. Fo üna crusch tar «let», cur cha tü hest glivro da ler ils chapitels.
 - Impü stust fer minch'eivna üna lezcha obligatorica in tieu quadern da litteratura. Fo üna cruschina tar «fat», cur cha tü hest glivro la lezcha.
 - Tar mincha lezcha vezzast ils simbols ,  u . Quels simbols muossan scha tü poust fer la lezcha sulet:ta, in duos u in üna gruppa da trais. Il böt da fer las lezchas in duos es da discuter las dumandas e na da scriver giò da qualchün!
 - Scha tü est fich svel:t:a, poust tscherner otras lezchas facultativas e fer eir quellas in tieu quadern da litteratura. **Duos lezchas facultativas stu fer minchün:a!**
- ⇒ Tuot las lezchas cha tü hest fat stöglan a la fin esser aint il quadern da litteratura.

Plan da lectüra

eivna	ler	let	lezcha obligatorica	lavor	fat
1	Chapitel 1 – Blog 24-7-23		Survista da las figüras – Fögl da lavor 1		
2	Chapitel 4 – Blog 25-7-23		Incletta d'ün text auditiv – Fögl da lavor 2		
3	Chapitel 8 – Blog 26-7-23		Il blog da Seraina – Fögl da lavor 3		
4	Chapitel 11 – Kapitel 13		Il gö auditiv – Fögl da lavor 4		
5	Chapitel 14 – Blog 2-4-24		Lezchas facultativas Cumplettescha duos lezchas facultativas in tieu quadern da litteratura.		

Lezchas facultativas

1.	Cover: At plescha il cover? Descriva in 5-10 frastas perche schi u perche na. Creescha ün cover chi füss tenor te adatto pel cudesch e scriva in 5-10 frastas, perche ch'üna chesa editura vess da tscherner tieu cover.	0 1
2.	Passascha: Tscherna üna passascha chi t'ho plaschieu speielmaing bain. Scriva giò quella passascha in möd creativ (cun culuors, disegns, bella scrittüra...). Agiundscha in ün pèr frastas, perche cha tü hest tschernieu precis quella passascha.	0 1
3.	Messagi: Che pensast cha l'autura vulaiva raggiundscher cun sieu cudesch? Do que ün messagi principel? Che es per te l'elemaint centrel dal cudesch? Respuonda a quistas dumandas in ün cuort text.	0 1 2
4.	Biografia: Fo retscherchas davart l'autura e creescha üna cuorta biografia.	0 1
5.	Ogets: Fo üna glista cun desch ogets cha tü tschernessast per rapreschanter l'istorgia. Scriva tar mincha oget üna frasa chi declera, perche cha tü hest tschernieu quist oget.	0 1 2
6.	Rapport da sensaziun: Scriva ün rapport per la giazetta sur da la mort da Cristian Albin. Uschè ün rapport drouva ün titul sensaziunel, üna spiegaziun dals fats ils pü importants ed üna skizza u üna fotografia cun üna descripziun. Legia online il Blick u 20 minuts da quist'eivna scha tü drouvast inspiraziun.	0 1 2
7.	Characterisaziun: Tscherna üna da las figüras dal cudesch e scriva üna characterisaziun. Drouva tias notizchas dal fögl da lavur 1 e la structura our dal chaschuot da materiel scu agüd.	0 1
8.	Trailer: Creescha ün trailer da maximelmaing ün minut per fer gnir vöglia ad otras personas da ler il cudesch.	0 1 2

Survista da las figüras

- Implà our la survista cha tü chattast i'l chaschuot da materiel cun quatter figüras cha tü inscuntrast in quists chapitels.
- Trais figüras poust tscherner, la quarta es Seraina.
- Fo ün purtret u disegn da las persunas e scriva sü in chavazzins ils fats ils pü importants.
- Agiundscha adüna darcho infurmaziuns cun ler il cudesch.

Incletta d'ün text auditiv

Metta d'avent tieu cudesch. Taidla il chapitel 6 (chaschuot da materiel) e respuonda a las dumandas suotvart uschè precis scu pussibel.

1. Perche es Sandro uschè grit zieva ch'el oda las noviteds?

2. Che as vezza sül video dad RTR? Perche nu sun Sandro e Simon cuntaints da vzair que?

3. Perche drouva Sandro raps?

4. Che decidan ils duos amihs da fer?

Il blog da Seraina

Tü hest uossa già let almain duos blogs da Seraina. Seraina drouva quels blogs per descriver sieus impissamaints e ramasser bellas fotografias ch'ella fo düraunt sias gitas. Scriva eir tü ün blog scu Seraina.

Legia las duos lezchas e decida chenüna cha tü voust fer. Tü stust fer be üna.

Lezcha 1:

1. Tscherna üna fotografia cha tü hest fat cun tieu telefonin.
2. Scriva ün text chi s'affo cun quella fotografia. Il tema es liber, ma il text dess tratter qualchosa chi't sto a cour, qualchosa chi't do da penser u qualchosa chi't fatschenda.

Lezcha 2:

1. Scriva ün text sur da qualchosa chi't sto a cour, qualchosa chi't do da penser u qualchosa chi't fatschenda. Il tema es liber.
2. Zieva cha hest scrit tieu text, vo in tschercha d'üna fotografia chi s'affo cul blog. Tü poust tscherner üna cha hest già fat u ir a fer üna nouva.

Cundiziuns:

- Tieu blog cuntegna ün text ed üna fotografia.
- Il text es lung almain 250 plets.
- La fotografia s'affo cul text.



Il gö auditiv

Quista lezcha es üna lavur in gruppa e düra circa üna lecziun dubla.

Tscherni üna scena da las paginas 28-37 e fè ün gö auditiv. Suotvart es descrit pass per pass cu cha vus vais da lavurer.

Preparer (20')

- ☐ Tscherni la scena cha vus vulais animer.
- ☐ Copchè las paginas da la scena uschè cha minchün:a da vus ho la scena sün palperi.
- ☐ Parti sü las rollas (p. ex. personas e narratur:a pels texts traunteraint).
- ☐ Markè las rollas cun culuors sün vossas copchas. Mincha persona dess preler circa listess bger.

Exerciter (15')

- ☐ Exercitè da preler vossas rollas. Il preler dess esser animo, interessant e cun pochs sbagls.

Registrer (25')

- ☐ Registrè vossa scena cun ün telefonin/iPad/computer. Fè que directamaing sün Garage Band. I'l chaschuot da materiel chattais ün'instrucziun chi declera cu lavurer cun quista applicaziun.

Elavurer (30')

- ☐ Elavurè vossa registraziun cun Garage Band.
 - ☐ Vus pudais agiundscher musica, tuns, vieras ed otras caneras.
 - ☐ Dè giò vos gö auditiv i'l ordinatur digital e nu schmancher da scriver sü tuot ils noms da las personas chi haun lavuro landervi!
- ⇒ Tal ultim pass nu drouva que forsa pü a tuot las personas da la gruppa. Decidè svesch cu partir sü la lavur. Forsa stu qualchün auncha lavurer vi dad otras lezchas?